









Opuscula



Spina



40  
M A J U S

In Coronamentum Emeritæ Virtutis

*Perillustris olim Clarissimi, & Acadum Reverendi Domini,*

D.M. MARTINI  
KUROWSKI,

Sacrae Theologiæ DOCTORIS, & PROFES-  
SORIS, Ecclesiarum; Collegiatae Sancti FLORI-  
ANI ad Cracoviam, & Parochialis Vieliciensis  
PRÆPOSITI, Studii Generalis Universita-  
tis Cracoviensis PROCANCELLARII,  
& SENIORIS PATRIS,

Viri de Ecclesia & Literis Meritissimi,

REFLORESCENS;

dumq; Justa Ei Parentalia  
in Ecclesia Collegiata S. FLORIANI ad Cracov:

*Magno cum dolore omnium persolverentur;*

P E R

M. ANTONIUM JOSEPHUM  
ZOLEDZIOWSKI,

Philosophiæ DOCTOREM & PROFESSOREM, Collegam  
Minorem, interea Artisticæ Facultatis DECANVM,

in brevi folio, lugubrî calamô

EXPLICATUS.

*Annô Domini 1745tô Die 5tâ Maji*

---

CRACOVIAE TYPIS UNIVERSITATIS.



# M A J U S

In Coronamentum Emeritæ Virtutis

## REFLORESCENS.

**Q**uotquot homines Menses vivimus,  
Apriles sunt,  
Laborum & meritorum Aperiles.  
Etiam Julios & Augustos vivas, Apriles senties.  
Belli Palæstram, laborum theatrum, meritorum campum  
quisq; aperit.

Anni alius, Veris & Æstatis alius,  
unusquisq; operosæ vitæ hominum janitor est.

Nec mirum:

Quamdiu sumus in vita, tamdiu in via;  
in Scæna Actores,  
in bello Milites,  
in Stadio Athletæ.

Nulli terminalis Herculis Columna figitur,  
metas operum nostrorum ponimus,  
& ad prima principia fit regressus.  
Ad portum appellimus, & à littore provehimur,  
coronatas puppes sistimus, & solvimus.

Aliàs,

Parenthesim semper incipimus,  
& nisi tumultu claudamur, non claudimus.

Non



Non semper tamen post consumatos vitæ Apriles reflorescimus ;

*Non floret tumulus si vita non gemmat,  
hæc si sit emarcida, non est Veris prodroma, nec parens.*

Novembres alijs, vel Decembres succedunt,  
Majus se in Coronamentum meritorum explicat,  
*Perillustri olim Clarissimo & Admodum Reverendo Domino,*

**D. M. MARTINO  
KUROWSKI,**

Sacræ Theologiæ DOCTORI & PROFESSO-  
RI, Ecclesiarum; Collegiatae Sancti FLORIANI  
& Vieliciensis PRÆPOSITO, Studij Generalis

Universitatis Cracoviensis  
**PROCANCELLARIO & SENIORI PATRI.**

Cujus vita fuit labore continua,  
meritis fæcunda,  
virtute ac eruditione æquè florida.

Sol erat sive Virorum solus,  
in ortu Nobilibus Majorum suorum Ceris illustris,  
in cursu per laborum Academicorum Eclipticam  
nunquam stationarius vel retrogradus,  
in occasu plena meritorum auge rutilus.

**Apex Doctorum,**

ingeniô profundus, penetravit & Abyssum,  
Eruditione sublimis, attingit quod in Summa THOMÆ  
summum est.

Non tamen elatus vixit.

A2

Fastigi-



Fastigium ingeniorum tenuit,  
digna fastis immortalibus egit,  
fastum ignoravit.

Procera Magnorum meritorum moles,  
sed profunda.

*Nucleus virtutis,  
sine cortice tumoris.*

Sub modestiae velo Imago virtutum,  
sub cortina Academicus Tripos,  
Thesaurus Sapientiae in abscondito,  
Gemma in concha,  
Lux in umbra.

**PROFESSORVM** Idea & Exemplar,  
laboravit ut solent optimi,  
sudavit ut solent pauci.

Septuaginta octo annis vixit,  
quingenta tribus **PROFESSOR** docuit,  
& vel solus eruditum saeculum fecit.

Plures Orbi Literario annos impendit, quam sibi,  
& tantum de literis meruit,  
quantum multi optant, pauci assequuntur,

**Optimus Magister,**

ut verè disciplinatos Discipulos fecisset,  
Humaniora docuit, Divina non neglexit,  
cum Literis pietatem instillavit,  
ingenia excoluit, & Divino Cultui mancipavit,  
non minus Deabus Musis, quam DEO devota fecit.

**Eô Magistrô**

Scholæ



Scholæ Pietatis Palæstræ,

Deæ Palladis Delubra,

Artium Pantheon,

Veri Numinis Templum.

**Illo Apolline,**

Musæ Virgines,

Pura Castalis,

Parnassus Sacer,

virtute & eruditione bicollis.

**Hoc Mercurio**

didicerunt esse Oratores Sacri,

Eloquentia non profana,

Auditor virtutis studiosus.

Ex æquo enim benè dicendi & benè vivendi artem professus,

quod ore docuit, opere persvasit,

eloquiò facundus, facundus exemplò.

Mella in Sacris Exedris locutus;

ut vitia amarescerent;

sales, ut gustum honesti acueret.

Non admisit colores, ubi nuda veritas dicenda erat,

ubi virtutum habitus commendandi,

ornatum verborum adhibuit.

Absolutissimus omnibus numeris Orator,

**Philosophorum Princeps,**

in disceptando subtilis,

B

in redar-



in redarguendo acutus,  
in retorquendo nodosus,  
in abstrusis evolvendis planus.

### Hoc Stagyrîtâ

Academia nostra Stoa fuit, & Peripatus,  
non quærebat Polonus Athenas,  
non appetebat Græciam,  
Sorbonam Cui originem debemus, scivit;  
non petiit.

Ille primis Cathedris Doctores dedit,  
Sacris Religionum Cætibus Magistros,  
Regno Scientiarum eruditos.

Culmam testem voco,  
quæ meritorum Ejus plenus culmus est,  
& laudis fastigium.

Illi debet, si quod gloriæ culmen obtinet,  
collibûs nativîs eminet,  
eruditione tanti Viri attollitur.

Vel hoc Principe quondam Subjecto  
Regalis Civitas,

Nobile Prussiæ Emporium  
quòd in eam omnes divitis ingenij gazas invexerit;  
Audiret diutiùs hos titulos,

si ad Mare unde hic Fons emanavit, recurreret.  
Nec Eum Fontem dicere quidquam prohibet,

ætate niveus,  
rectitudine candidus,

Fons illimis,  
Effusus doctrinâ in omnes Professor,  
Fons irriguus.

liberalitate



liberalitate in indigos,

Fons exuberans,

reconditâ sapientiâ

semper plenus.

Nilum diceres,

nulli Eum etiam in origine licuit parvum videre.

In septem se Ostia diffudit Artium Professor,

in mille sinus Theologus.

Idest, epotô Marî Theologicô

Oceanus fuit,

commune scientiarum receptaculum,

non effluvium.

Multi vix prælibant hoc Mare,

dubito, si gutta in eo fuit, quam non exhausserit;

totum se tam vasto Capiti infudit,

nec illud obruit.

Alii littus nisi arant,

emensus est Ille integrum,

difficultatum vada evasit.

Typhis circumspectus, Ulysses cautus.

Scivit compescere fluctus,

sedare procellas,

expandere vela & contrahere,

committere Classem Euris, & se illis opponere.

Hæc meritorum Ejus materia est,

redacta ut Orbis in mappam,

Homeri Ilias in nucleum,

Ægypti pretium in Antonii gemmam,



radii Solis in cryſtallum,  
ſed ſine forma ſibi adæquata.  
Omne anguſtæ Virtuti Stallum  
anguſtum fuit,  
nulla meritis par Dignitas;  
Honorum quivis exiguus.  
Et hos tamen mereri maluit, quàm habere.  
ſi ad numerum meritorum darentur  
debebantur Ei primi,  
Si ad æqualitatem virtutis, ſummi;  
niſi oneroſos acceptavit.

## Vieliſienſis Præpoſitus,

quidquid boni Paſtoris eſt, implevit,  
docendo, Gregem Domini pavit,  
vigilando, Lupos arcuit,  
ſolùm deglubere Oves neſcivit,

## Eccleſia Sponſa

erat Eô Virô ornatiffima.

intùs & forinſecùs culta,  
collapſa in ea erexit, ruinoſa inſtauravit,  
quod deerat ad magnificentiam  
ære proprio ſupplevit.

## Dubites,

Utrum? Beneficium illud accepit, vel fecit.

Viginti tribus annis ei præfuit & profuit,  
quas



quas prævidit necessitates, providit singulis.

Totum se bono illius impendit Ecclesiæ  
sed & alteri non defuit,

ut Præposituram Collegiæ S. FLORIANI in flore reliquisset,  
& sudorem & imbres aureos fudit.

Universitatis PROCANCELLARIUS.

Metire magnitudinem!

*ex Vicaria Eminentissimi CANCELLARII Potestate.*

Solis vices Luna obiens Luminare Magnum,  
Eminentia, Virorum Summitas.

Senior Pater.

Metire merita!

crescebant in horas,

multiplicabantur in momenta.

Vitæ Ejus dies consumati omnes,  
non consumpti.

Nullum perdidit sine merito  
quod conquerebatur Titus,  
nullum sine rectorum linea transire fecit,

ut Apelles.

Si gesta illustria spectes,

quisq; dies Solis,

si eruditionem Mercurii.

Ter Universitatis RECTOR.

Falces Eruditorum tenuit,

Doctis scitè imperavit,

Liberos rexit non serviliter.

C

Opus



Opus erat clementiâ,  
aculeo ut Rex Apuin caruit;  
si tamen rigor extendendus,  
ut Alituum Principi fulmen non defuit.  
Severus simul & blandus,  
ore gratias locutus,  
sed districtum Justitiæ ensen strinxit manibûs.  
Rerum Academicarum Stator Jupiter,  
pro Juribus Universitatis stetit strenue  
pro incremento Studiorum fortiter,  
pro gloria Gentis dextere.  
**Valuit** autoritate Domi,  
Foris Magnatum gratiis,  
ubiq; gloriâ excelluit.  
*Exemplar futurus posteris,  
nisi ea exhibuisset vivens,  
quæ imitari vix audebunt summi, & maximi.*  
**Vixit** Universitatis decori,  
Ecclesiæ fulcro,  
Musarum commodis,  
Clientum usibus.  
Omnium amorì vivus,  
mortuus singulorum doloribus.  
Justa illi exsolvunt, noti ignotiq; lachrymîs,  
Musæ Præficas agunt,  
Universitas vix in Nioben non abit, & saxum.  
**Mors** unius,  
communis



communis Bonorum jactura est,  
& cælura animorum,  
publica tempestas & fatum.

**Unicum doloris lenimentum,**

quòd non ut ignavi solent, mortuus.  
Ver virtutum, Autumnum mèritorum vixit;  
floridam in Aprili mortem obiit.  
Majus parentat vitâ Vernantissimo  
primis Veris Honoribus.

Laurearum Laureatorumq; Verticem  
Cælum immortalitatis redimit laureolâ.  
Floralia ergo locò funeris celebramus;  
taxus, & Cupressi procul este.

Sacrorum Oratorum Hortensio,  
Eruditorum Floro,

tumulum Aprilis aperuit,  
Majus floribus stravit,  
grandævi Senis non decrepiti,  
laboribus fessi non fracti,  
totò Chloridis Regnò  
Emeritam Virtutem coronavit.

**Alterum Argumentum**

sedandi doloris, arcendi luctus,  
deponendi pullatos vultus,  
& assumendi amænos.

**Vos estis Magni PRÆSTITES,**

Flos Virorum lectissimus.

Replicat se in Te Testamenti sui Tutore,

*Perilla.*



*Perillustis & Reverendissime Domine,*

**D. M. MATHIA  
ZIETKIEWICZ,**

S. Theologiæ Doctor & Professor,

Collegii Majoris Senior Pater,

Ecclesiarum; Cathedralis Crac. CANONICE,

Parochialis Zarnovecensis PRÆPOSITE,

Librorum Diæcesane CENSOR, &c.

in Doctore Doctor,

in Cathedrali Canonico, primis Cathedrâs dignus,

Pollux in Castore,

Expressa Sapientiæ species, in sui Archetypo,

Universitatis Atlas in Alcida,

& doloris materia minuitur.

Tibi verò

*Perillustis Clarissime & Admodum Rererende Domine,*

**D. M. ALBERTE  
GOSZKOWSKI,**

Sacræ Theologiæ Professor, Collega Major,

Ecclesiarum Collegiatarum; S. Floriani ad Crac.

Canonice, Visliciensis Decane, Parochialis

Prosovicensis Præposite,

*dum ultimam voluntatem commisit*

*magnam animæ portionem reliquit,*

& se superstitem fecit.

Optimus Trajanus in bono Nerva

Sol



Sol in Parello,  
Palladis Corculum in Ocello.  
Divisit & in Te suos affectus,  
*Clarissime, Excellentissime & Doctissime Domine,*  
D. M. JOANNES  
PRZYPKOWSKI,  
Philosophiæ Doctor, Ejusdemq; ac Matheseos Pro-  
fessor, Collega Major Vocate, Geometra Strzał-  
koviane Jurate,

Vir integerrimus, vitâ integro,  
cerussam non amans, fuci experti,  
Avitâ & ingenii Armis strenuus,  
generoso Militi sub Labaro.  
Partitus est rerum derelictarum curam,  
fidei,

Humanitatis ultima officia,  
probato.

Vivere post fata voluit,  
Vos adscivit Viros in quibus viveret.  
Longævus omnes Testamentô optavit,  
ut viveret in Vobis diuturnius.  
Nec est dubium quod immortalis vivet,  
factis, & meritâ,  
gestorum famâ, & Nominis sui gloriâ.  
Florebit in memoria hominum,  
perennabit in affectibus.

D

Ibunt



Ibunt in occasum Soles,  
admittet Decrescentem Luna,  
occumbent Sidera toties,  
oblivioni non succumbet.  
Trudet dies diem,  
& tanti Viri merita alteri inculcabit.  
Neq; gloriam occidere faciet,  
neq; memoria excidere.  
Vivet, ubi Ver perpetuum ad delicias vivitur,  
perenne, ad oblectamentum indeficiens.  
Vivet Majum in Patria,  
quæ Florentia sola est.  
Immortalem Lauream capiet Theologus  
Comprehenfor,  
Viator æternam requiem.





ti  
e,  
M  
o-  
m  
o  
es  
er  
ne  
a-  
ur

lo  
c-  
y-  
ti-  
c-

卷之四







22.000,-

3.XII.13



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



